



ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ

**ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ**

22, Երևան, 0025, Ալեք Մանուկյան 1 • Республика Армения, Ереван, 0025, Алека Манукиана 1 • 1 Alex Manoogian st., Yerevan, 0025, Republic of Armenia  
(+374 10) 55-47-52, (+374 10) 55-46-41 (Fax), info@ysu.am, www.yasu.am

ք. Երևան

09.02.2024թ.

**Ո Ր Ո Շ ՈՒ Մ**

**«ԵՊՀ-ԷԱՃԱՊՁԲ-23/106»**

**(գնումների գործընթացին մասնակցելու իրավունք չունեցող մասնակիցների ցուցակում ներառելու մասին)**

**Պ Ա Ր Ձ Ե Ց**

«Երևանի պետական համալսարան» հիմնադրամի (այսուհետ՝ ԵՊՀ) կողմից 2023 թվականի հոկտեմբերի 23-ին տեղեկագրում ([www.gnumner.am](http://www.gnumner.am)) հրապակարակվել է կահույքի և տեխնիկայի ձեռքբերման «ԵՊՀ-ԷԱՃԱՊՁԲ-23/106» ծածկագրով գնման ընթացակարգ (այսուհետ՝ Ընթացակարգ):

Ի թիվս այլ մասնակիցների Ընթացակարգին մասնակցության հայտ է ներկայացվել նաև «ԴՈՆԵՌ» ՍՊ ընկերության կողմից (հվհհ՝ 01052798, այսուհետ՝ Ընկերություն):

Ընթացակարգի գնահատող հանձնաժողովի 2023 թվականի նոյեմբերի 21-ի երկրորդ նիստի արձանագրության 8-րդ կետով Ընկերությունը Ընթացակարգի հրավերի 1-ին, 2-րդ, 5-րդ, 6-րդ, 7-րդ, 8-րդ, 9-րդ, 13-րդ, 14-րդ, 15-րդ և 16-րդ չափաբաժինների մասով ճանաչվել է ընտրված մասնակից, իսկ 2023 թվականի դեկտեմբերի 14-ին ԵՊՀ և Ընկերության միջև կնքվել է «ԵՊՀ-ԷԱՃԱՊՁԲ-23/106-1» ծածկագրով և 10,578,994.80 (տասը միլիոն հինգ հարյուր յոթանասունութ հազար ինը հարյուր ինսունչորս դրամ և ութսուն լումա) ընդհանուր գնով պայմանագիր (այսուհետ՝ Պայմանագիր):

Պայմանագրի 8.15 կետի համաձայն «Պայմանագրով նախատեսված ապրանքների մատակարարումն իրականացվում է այդ նպատակով ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման միջոցով: Պայմանագիրը լուծվում է, եթե այն կնքելու օրվան հաջորդող վեց ամսվա ընթացքում այդ նպատակով պայմանագրի կատարման համար ֆինանսական միջոցներ չեն

նախատեսվում: Ընդ որում, յուրաքանչյուր հաջորդ համաձայնագիրը կնքելու համար ֆինանսական միջոցների նախատեսման համար սույն կետով տրված վեցամսյա ժամանակահատվածի հաշվարկը սկսվում է նախորդ համաձայնագրով սահմանված ապրանքի մատակարարման արդյունքը ողջ ծավալով պատվիրատուի կողմից ընդունվելու օրվանից: Ընդ որում, **Վաճառողը համաձայնագիրը կնքում, և տուժանքի ձևով ներկայացված որակավորման և պայմանագրի ապահովումների փոխարինման դեպքում նաև նոր ապահովները Գնորդին ներկայացնում է համաձայնագիր կնքելու ծանուցումը ստանալու օրվանից տասնհինգ աշխատանքային օրվա ընթացքում: Հակառակ դեպքում պայմանագիրը Գնորդի կողմից միակողմանիորեն լուծվում է»:**

Հաշվի առնելով վերոգրյալը, դեռևս 2023 թվականի դեկտեմբերի 22-ին Ընկերությանը էլ՝ փոստի միջոցով համապատասխան համաձայնագիր կնքելու առաջարկ է ներկայացվել, սակայն այն սահմանված ժամանակահատվածում չի կնքվել, ուստի Ընկերության կողմից Պայմանագրով նախատեսված պարտավորությունները չեն կատարվել:

Վերոնշյալ փաստական հանգամանքների լույսի ներքո՝ հիմք ընդունելով «Գնումների մասին» օրենքի 6-րդ հոդվածի 1-ին մասի 6-րդ կետի ա) ենթակետի պահանջները, ԵՊՀ-ն որոշել է պայմանագիր կնքած անձի կողմից ստանձնված պարտավորությունները չկատարելու հիմքով պայմանագիրն ամբողջությամբ միակողմանի լուծել:

Հիմք ընդունելով վերոգրյալը, ինչպես նաև Օրենքի 6-րդ հոդվածի 2-րդ մասը.

## ՈՐՈՇԵՑ

Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով՝ սույն որոշումը կայացվելուն օրվան հաջորդող օրը այն տրամադրել լիազորված մարմնին և մասնակցին:

ԸՆԴՀԱՆՈՒՐ ՀԱՐՑԵՐՈՎ

ԳԾՈՎ ՊՐՈՌԵԿՏՈՐ՝



Ա. Գ. ՄԱԼԽԱՍՅԱՆ